

Na osnovu odredaba Zakona o radu („Službene novine Federacije BiH“, broj 26/16 i 89/18), Općeg kolektivnog ugovora za teritoriju Federacije BiH („Službene novine Federacije BiH“, broj 62/16), Okvirnog kolektivnog ugovora o pravima i obavezama poslodavaca i radnika komunalne privrede za teritoriju F BiH („Službene novine Federacije BiH“, broj 79/16), Kolektivnog ugovora u JKP „Komemorativni centar“ d.o.o. Tuzla, Pravilnika o radu u JKP „Komemorativni centar“ d.o.o. Tuzla i Uredbe o postupku prijema u radni odnos u javnom sektoru u TK („Službene novine TK“, broj 4/19) raspisuje se

JAVNI KONKURS

za prijem radnika u radni odnos na određeno vrijeme u trajanju od 2 godine sa probnim radom u trajanju od 3 mjeseca

Konkurs se raspisuje za slijedeće radno mjesto:

Pogrebnik u mrtvačnici - 1 izvršilac

Pored općih uslova predviđenih Zakonom o radu Federacije BiH, kandidat mora ispunjavati i posebne uslove:

1. Završena osnovna škola,
2. Najmanje šest mjeseci radnog iskustva na istim ili sličnim poslovima.

Opis poslova: vrši poslove vezane za pripremu pogreba, koje uključuju organizovanje i obavljanje transporta, pripremu grobnog mjesta te sam čin pogreba, odgovoran je rukovodiocu Službe, obavlja poslove dopremanja i pripreme umrlih za čin pogreba u predviđenim prostorijama, održava čistoću mrtvačnice, stara se o sredstvima rada koje zadužuje, pri vršenju poslova vodi računa o dignitetu umrlih i njihovih porodica, materijalna odgovornost za savjestan rad, obavljanje i drugih poslova, prema nalogu neposrednog rukovodioca.

Potrebni dokumenti: • kraća biografija, adresa i kontakt telefon • diploma o završenoj školi • potvrda/uvjerenje/izjava o radnom stažu u struci • izvod iz matične knjige rođenih (original ili ovjerena kopija) - ne stariji od 6 mjeseci • uvjerenje o državljanstvu (original ili ovjerena kopija) - ne starije od 6 mjeseci • original ili ovjerena fotokopija CIPS-ove potvrde o mjestu boravka – prebivališta i ovjerena fotokopija lične karte. Dokumenti koji se prilažu uz prijavu moraju biti originali ili ovjerene kopije dokumenata (ovjera ne starija od tri mjeseca). Sa kandidatima koji budu ispunjavali uslove konkursa biće obavljen intervju, o čemu će kandidati biti blagovremeno obaviješteni. Prijavu sa potrebnim dokumentima sa naznakom "Prijava na konkurs za radno mjesto pogrebnik u mrtvačnici" dostaviti lično ili putem pošte na adresu: JKP „Komemorativni centar“ d.o.o. Tuzla. Nepotpune, neblagovremene i neuredne prijave neće se uzimati u razmatranje. Oglas ostaje otvoren 8 (osam) dana od dana objavljivanja.

Napomena: samo izabrani kandidat će biti u obvezi u određenom roku dostaviti ljekarsko uvjerenje kao dokaz da njihovo zdravstveno stanje i psihofizičke sposobnosti odgovaraju uvjetima radnog mjesta za koji se raspisuje javni oglas.

PRIJAVA SE PODNOSI NA PRIJAVNOM OBRASCU PREDVIĐENOM GORE NAVEDENOM UREDBOM. ISTA SE MOŽE PREUZETI NA INTERNET STRANICI www.komemorativni-centar.ba.